



KEMUDAHAN PKMA

Menarik Ramai Pengguna Dan Pelawat



Selain dari kemudahan prasarana elektronik, Pusat mengambil berat tentang kemudahan fizikal untuk keselesaan semua pengguna. *Executive Knowledge Cafe* disediakan khusus untuk pensyarah, pentadbir dan pegawai pengurusan atasan. Mereka boleh membawa tetamu untuk perjumpaan santai, perbincangan tidak formal, menonton televisyen, mengakses kepada Internet atau membuat rujukan kepada buku-buku yang disediakan dalam bidang pentadbiran, pengurusan, kepimpinan dan kualiti.

Bilik bacaan 24 jam disediakan khas untuk pelajar berbincang, mentelaah ilmu atau menggunakan kemudahan *wifi* untuk mengakses kepada Internet, terutamanya selepas Pusat ditutup. Selain itu *Student Lounge* pula merupakan ruang khas berhampiran Auditorium untuk pelajar bersantai sambil menonton *ASTRO* dan mereka dibenarkan untuk membawa makanan dan minuman tanpa mengganggu ruang bacaan utama. Ruang santai, *Free Ringing Zones* serta *Chill-out Rooms* juga disediakan untuk pengguna. Dengan adanya kemudahan *wireless* bagi seluruh bangunan PKMA nanti akan memastikan

capaian berterusan kepada pelbagai sumber elektronik oleh pengguna.

Kiosk maklumat menempatkan *PC-PC Web Opac* untuk pengguna akses kepada katalog atas talian untuk maklumat koleksi PKMA dan lokasi serta keberadaan bahan.

Makmal-Makmal Komputer disediakan di Aras G dan 1 untuk pengguna membuat tugas, tesis atau laporan projek dan mengakses kepada Internet dan selain itu digunakan untuk kelas-kelas pendidikan pengguna dan literasi maklumat. Dokumen yang dicetak di makmal komputer boleh diperolehi di kaunter perkhidmatan pelanggan Aras G.

Titik akses atau pencarian paling penting adalah pada laman web PKMA www.cais.unimas.my untuk mengetahui segala maklumat mengenai Pusat, dari misi dan visi, waktu buka, kemudahan dan perkhidmatan, koleksi dan semua staf yang berperanan membangun dan mengurus Pusat secara menyeluruh untuk menuju kecemerlangan dalam semua aspek pencapaian kualiti dalam perkhidmatan kepada pengguna.